

# Powšitkowne WOZJEWJENJA

njedźelu, 28. apryla 2013

## Nyšpor z požohnowanjom motorskich

Popołdno z požohnowanjom motorskich zahaji so tutu njedźelu, 28. apryla, w 14 hodź. z nyšporom w Ralbičanskej cyrkwi. Po nim požohnuja so motorske. Přizamknje so wulět.

## Mejski nyšpor młodžiny a požohnowanje jězdźidłow

Wšitcy serbscy młodostni su srjedu, 1. meje, wutrobnje na mejski nyšpor na Kukowske hrodzišćo přeprašeni. Na nyšporje, kotryž započnje so w 14 hodź., požohnuja so jězdźidla.

## TCM přeprašuje na nyšpor do Róžanta

Na wosebity nyšpor njedźelu, 5. meje, w 17.00 hodź. přeprašuje Towarstwo Cyrila a Metoda (TCM) wšitkich wěriwych do hnadowneje cyrkwy w Róžeńće. Wotrowski cyrkwinski chór jón wobrubu.

## Zhromadny dzeń za 1. a 2. lětnik

Na zhromadny dzeń přeprašuje Dekanatne dušepastyrstwo šulerki a šulerjow 1. a 2. lětnika sobotu, 4. meje, wot 9.00 do 15.00 hodź. do Don Boskowneho domu we Worklecach. Zajimcy njech so prošu hač do wutora, 30. apryla, pod telefonowym čisłom (03 57 96) 8 87 07 we Worklecach přizjewja. Za wudawki dnja zhromadži so wot kóždeho wobdźělnika přinošk we wysokosci třoch eurow.

## Za wulět samostejacych so přizjewić

Samostejacy ze serbskich wosadow změja wutoru, 28. meje, swój lětuši zhromadny wulět z busom, kotryž powjedže do Rumburka. Zajimcy njech so hač do wutora, 30. apryla, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta wozjewja.

## Mejske nyšpory a Bože služby w Róžeńće

Mejske nyšpory w Róžeńće su: srjedu, 1. meje, w 17 hodź.; štwórtk, 2. meje, w 19 hodź.; njedźelu, 5. meje, w 17 hodź.; štwórtk, 9. meje, w 17 hodź. (Božeho spěća); njedźelu, 12. meje, w 17 hodź.; štwórtk, 17. meje, w 19 hodź.; njedźelu, 19. meje, w 17 hodź.; štwórtk, 23. meje, w 19 hodź.; njedźelu, 26. meje, w 17 hodź.

Na swjedženju Swjateje Trojicy njedźelu, 26. meje, budže Boža mša w serbskej řeči we 8 hodź. Němske kemše su w 11 hodź., dokelž wotměwa so na tutym dnju putnikowanje młodžiny biskopstwa. Boža mša na swjedženju Božeho čěla štwórtk, 30. meje, budže w hnadownej cyrkwi w 19 hodź. (serbsce). Njedźelu, 2. junija, su tam jenož němskorěčne kemše w 10.30 hodź.

## Putnikowanje staršich a chorych ludźi do Róžanta

Putnikowanje staršich a chorych ludźi ze serbskich wosadow do Róžanta budže sobotu, 11. meje. Wot 13 hodź. je přiležnosć k swjatej spowědži pola fararjow Gerata Wornarja a Michała Andersa. Modlenje swjateho różowca započnje so w 13.30 hodź. Różowcej přizamknje so w 14 hodź. Boža mša, kotruž změje farar Wornar. Na njej wudželi so tym, kotřiž sej to přeja, žalbowanje chorych. Po kemšach poskići so swačina.

## **Džakna Boža mša wohnjowych wobornikow**

Wohnjowe wobory zarjadniskeho zwjazka „Při Klóšterskej wodže“ změja džaknu Božu mšu pjatk, 10. meje, w 19 hodž. w Róžeńčanskej swjatnicy. Wšitcy wobornicy a hosćo su wutrobnje přeprošeni.

## **Předstajenje knihi „Eine Kirche – zwei Völker“**

Předstajenje třećeho zwjazka k stawiznam Drježdžansko-Mišnjanskeho biskopstwa pod titlom „Eine Kirche – zwei Völker“ budže štwórtk, 2. meje, w 19.30 hodž. w Budyskej Smolerjec kniharni. Wo knize porěča kanonik Šćěpan Delan, farar Měrcin Deleńk a profesor dr. Dietrich Šořta. Woni su na ediciji sobu džěłali.

## **Putnikowanje do Krupki**

Na pěše putnikowanje do Krupki su młodostni ze wšěch wosadow tež lětsa zaso přeprošeni. Procesion woteńdže njedźelu, 28. julija, z Chróścic a wróci so pjatk, 2. awgusta. Zajimcy měli so w Chróścicach na farje přizjewić, telefonowe čisło (03 57 96) 8 04 00. Boža mša w Krupce budže srjedu, 31. julija, w 10 hodž.